

Tutú e táxnūu San Pablu iña Filémuun

Taxnūu Pablu tutú iña Filémuun

¹ Xu'u é Pablú u, é nuu kutū ú kuenta iña Jesúcrístu ne, ntuví u ni ta'an ko Timōteu ntáde vá'a ntí tutú sá'á iña nto, Filémuun, tsi dóo vá'a tiin ō é dadii tsi ntáde tsiñu ō.

² Iña ta'an ko Ápia di, ni Ārquipu, ña é dadii ntáde tsiñu ni'í ntí, ni ūn ntíí ntíí ña kuínti'xe i, ña ntánataká nuu nú vi'i nto kãn.

³ Na naxnuu viko Xuva ko nī Tó'o ko Jesúcrístu nto; na tā'xi ña é vā'á koo kuntōo nto.

Dōo kakuinima Filémuun e dóo kakuinti'xe ña

⁴ Utén utén kanakué'e ú sintiá'vi nta'a Xuva ko kuēnta iña nto dá kākā'an ntâ'ví u.

⁵ Tsi é kūtuní ko tsi dóo kakuinti'xe nto Tó'o ko Jēsuu, dóo kakuinima ntó ña, ni ūn ntíí ntíí ña kuínti'xe i san.

⁶ Kaikán u nta'a Xuva ko te kūvi ka'an vá'a nto iña nuu i é kākūinti'xe nto, vata koo é na kūtuni ñá'a iña i é un ntí'í é vā'a é nī'í ko nta'a Jesúcrístu.

⁷ Dōó diní ko, dōó ka'nu kuiní ko kuenta iña nto, tsi dóo kakuinima nto, tsi dóo nátsu'un ka'nu nto ini ña ntákuinti'xe i san.

Kaikán Pablu uun dá xe'e iña ña kade tsiñu, ñá nani Onēsīmu

⁸ Dukuān ne, ñá kaū'ví ko é kākān u ni nto nēe é vii ntó kuenta iñá Cristu.

⁹ Ntá tsi dií ka vá'ā ō, kuiní ko, te kākán u da xe'e kuenta iña i é kākūinima ntó Xuva kō. Xu'u é Pablú u ne, é atā ú ne, i'a nuu kutū ú vevii kuenta iña Jesúcrístu.

10 Xu'ú kaikán u nta'a nto kuenta iña i'xá ko Onesimu. Kaka'án u tsí i'xá ko ña, tsí xu'u é nakuā'á u ña nté koo kuinti'xe ña Xuva ko ñi dukuan nuu kutū u.

11 Kidáā ne, ñá ni kānuu á'vi ña iña ntó, ntá tsi vevii ne, e dóo kainuu á'vi ña iña ntó ne, iñá ko di.

12 Nataxnūu xtuku ú ña mí tuví nto. Ntá tsi vá'a tsi koo vií nto ni ña vata tsi te mií u.

13 Ntio ko é kūtuví ka ñá ni kó vata koo é xntii ñā kó naa nto dá nuu kutū ú a kuenta iña tú'ūn va'á san.

14 Ntá tsi ña iní u nee iña é ntio nto. Dukuān ne, ñá ni kā'án u ni ña te kutūví ka ña nī ko. Ña ni ntíō ko é kuē'e kuetsí u nto é vií ntó da xe'e, ntá tsi te mii ntō ntio nto ne, kuvi.

15 Á te itúvi xio ña uun da'na vata koo é nāki'i xtuku nto ña é kutuví ñá ntii dañu ntūvi.

16 Tsi ñá te da mii tsí é kāde tsiñu ña iña nto ve, tsí dií ka nuu á'vi ña ve, tsí e kúvi ña ta'an kō, ña e dóo kuinima ko. Xu'ú ne, dōō ntio kó ña. Ntá tsi ñi vi ntō ne, á tē dií dií ka kue'e ntío nto ña kuenta iña mii ñá ne, kuenta iña Tó'o kō di.

17 Te tā'an nti'xe nto kó kuiní nto ne, naki'i nto ña vata tsi te mií u.

18 Te iō mí'i é kō'xó nteē ñá, o te nēe iña é itá nuu ña iña ntó ne, nadita nto kuentá ko.

19 Xu'u é Pablú u kaka'ū ú nta'a mií kó ne: Xu'ú nta'naa u. Ntá tsi ña ncho ka'án u ni ntō tsí tē ña ñi vi u ne, ñá ni nī'i nto ntuví va'á iña nto.

20 Sá'a vií ntó da xe'e kuenta iña Xuva ko vata koo é na kūnuu ñi ní nimá ko. Nāxnuu ka'nu kudii ntó nimá ko, tsi ení ko nto kuenta iñá Cristu.

21 Taxnūu ú tutú sá'á iña nto, tsí iní u tsí kuinti'xe nto é kākā'án u ni ntō. Iní u tsí dií dií ka xntíi nto ña vatā o é kākā'án u ni ntō.

22 Uun ká tuku é kākán u nta'a nto ne, te na kōo tú've mí'i kutūví u. Tsi tá'xi Xuva kō é kī'xí u mí

ntoo nto, kuiní ko, tsí kuān o ntaíkan ntó nta'a ña kuenta iñá ko.

I'a ntí'í tutú san

²³ Ení ko Ēprafa, ña é dadí nuu kutū ú ni i kuēnta iñá Jesúcrístú ne, taxnūu ña ntiusi nto.

²⁴ Marcu, ni Arístarcu, ni Dema, ni Luca, ña é dadí ntáde tsiñu ní'í ntí ne, taxnūu ña ntiusi ntó di.

²⁵ Na nāxnuu viko Tó'o ko Jesūcristu ntó un ntí'í ntí nto. Sá'a tsí é kā'án u ni ntō.

**Tū'ún xuva kō vatā ó ntáka'an ña ñuú
Coatzospan
New Testament in Mixtec, Coatzospan
(MX:miz:Mixtec, Coatzospan)**

copyright © 2003 Wycliffe Bible Translators, Inc.

Language: Mixtec, Coatzospan

Translation by: Wycliffe Bible Translators, Inc.

Copyright Information

© 2003, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Coatzospan

© 2003, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

8f775598-56d9-56fd-966e-15e054d2f275